

Ո Ր Ո Շ ՈՒ Մ N 136/6
/վարչական տույժ նշանակելու մասին/

«07» մարտի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Գոռ Բակլաջյանս, ուսումնասիրելով Արման Զաքարյանի /անձն. AT0550457, քաղաքացիություն՝ Հայաստանի Հանրապետություն/ կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Հայաստանի Հանրապետության քաղաքացի Արման Զաքարյանի անվամբ 27.01.2021 թվականին թիվ 05100033/270121/0000638955 մաքսային մուտքի օրդերով «Ժամանակավոր ներմուծում» մաքսային ընթացակարգով՝ մինչ 26.06.2021թ. վերջնաժամկետով, ՀՀ տարածք է ներմուծվել LEXUS LS460 մականիշի, ՍՍ00100 հաշվառման համարանիշի, 2008 թվականի արտադրության տրանսպորտային միջոցը:

ԵՏՀ խորհրդի 29.04.2020թ. N° 47 և նույն որոշման երկու փոփոխությունների՝ 11.09.2020թ. N° 79 և 05.04.2021թ. N° 25 որոշումների համաձայն՝ երրորդ երկրներից ԵՏՄ տարածք ժամանակավորապես ներմուծված անձնական օգտագործման տրանսպորտային միջոցների ժամանակավոր ներմուծման ժամկետը երկարաձգվել է մինչև 2021 թվականի սեպտեմբերի 30-ը:

Մաքսային մարմինն արձանագրում է, որ նշված ժամկետի ավարտից հետո Ծրագրում նշված ՄՄՕ-ն երևացել է որպես ժամկետանց պարտավորություն, ինչի կապակցությամբ լիազոր մարմինը ձեռնամուխ է եղել ՀՀ մաքսային օրենսգրքի 199-րդ հոդվածի ուժով հետագա արտահանման պարտավորության խախտման հանգամանքը բացահայտելու և համապատասխան վարչական վարույթ հարուցելու լիազորությունների իրականացմանը:

11.01.2022 թվականին հարցում է կատարվել ՀՀ ՊԵԿ Ներքին անվտանգության վարչություն՝ վերը նշված տրանսպորտային միջոցի սահմանահատումների վերաբերյալ տեղեկատվություն ստանալու և կողմին հայտնաբերման նպատակով, որին ի պատասխան ստացվել են համապատասխան սահմանահատումների պատմությունը և սահմանահատման տվյալները:

17.01.2022թ-ին Արման Զաքարյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով:

Վարչական մարմինն արձանագրում է, որ վարչական վարույթի շրջանակներում հարցումներ են կատարվել նաև ՀՀ ՊԵԿ աշխատակազմի մաքսատուն-վարչություններ՝ նշված ավտոտրանսպորտային միջոցի ձևակերպված լինելու, ինչպես նաև ՀՀ ոստիկանության

«Ճանապարհային ուստիկանություն» ծառայություն՝ նշված տրանսպորտային միջոցի նկատմամբ հնարավոր կատարված գործարքների վերաբերյալ տեղեկատվություն ստանալու նպատակով, որոնց ի պատասխան ստացվել են համապատասխան հարցման պատասխանները:

Ներկայացված նյութերի ուսումնասիրության արդյունքում պարզվել է, որ ՀՀ տարածք ներմուծված LEXUS LS460 մակնիշի, ՍՍ00100 հաշվառման համարանիշի տրանսպորտային միջոցը Բագրատաշենի մաքսային կետ-բաժնով ՀՀ է ներմուծվել 27.01.2021 թվականին և հետագա արտահանման պարտավորությունը չի կատարվել, մաքսատուն-վարչություններում որևէ մաքսային ընթացակարգով ձևակերպում չի ստացել, ՃՈ ծառայությունում նշված ավտոմոբիլի գրանցման, հաշվառման գործարքների վերաբերյալ տվյալներ չկան:

ՀՀ մաքսային օրենսգրքի 189-րդ հոդվածի 1-ին մասի համաձայն՝

մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող ՀՀ միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ՀՀ մաքսային օրենսգրքի 199-րդ հոդվածի 1-ին մասի համաձայն՝

հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝

առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական Տնտեսական Միության մաքսային օրենսգրքի 264-րդ հոդվածի 1-ին և 5-րդ մասերի համաձայն՝

օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման»:

Գործով կողմին գրավոր տեղեկացվել է իրականացվող վարչական վարույթի շրջանակներում կազմված արձանագրության և կից փաստաթղթերի մասին, կողմի ներկայացուցիչ, փաստաբան Վազգեն Թադևոսյանի՝ Tadevosyan.vazgen@yandex.ru էլ. հասցեին ուղարկվել է ծանուցում նշանակված գործի քննության տեղի և ժամանակի մասին:

Կողմն իր ներկայացուցիչ Վ. Թադևոսյանի հետ ներկայանալով նշանակված վարչական լսումներին և գործի քննությանը վարույթն իրականացնող մարմնին տվել է բանավոր պարզաբանումներ գործի հանգամանքերի մասին՝ հայտնելով, որ ՎԻՎՕ 37-րդ հոդվածի 1-ի մասի համաձայն վարչական տույժ չի կարող նշանակվել:

Ներկայացված պարզաբանումներին ի պատասխան վարչական լսումներով և գործի քննությամբ կողմին և ներկայացուցչին հայտնվել է, որ լիազոր մարմինը գործել է տվյալ իրավահարաբերությունների ոլորտը կարգավորող նորմատիվ-իրավական ակտերի պահանջներին համապատասխան, ինչը և հիմք է հանդիսացել կազմելու մաքսային կանոնների խախտման վերաբերյալ արձանագրությունը և նախաձեռնել վարչական վարույթի հարուցման գործընթաց:

Վերոգրյալի համատեքստում անդրադառնալով Վարչական իրավախախտումների վերաբերյալ ՀՀ օրենսգրքի 32-րդ, 245-րդ, 279-րդ հոդվածների կարգավորումներին՝ վարչական մարմինը գտնում է, որ սույն գործով ՎԻՎՕ 37-րդ հոդվածի 1-ի մասը կիրառելի չէ հետևյալ հիմնավորմամբ.

Վարչական իրավախախտումների վերաբերյալ ՀՀ օրենսգրքի 37-րդ հոդվածի 3-րդ և 4-րդ մասերի համաձայն՝

Մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտնաբերվելու օրվանից երկու ամսվա ընթացքում, սակայն ոչ ուշ, քան իրավախախտումը կատարվելու օրվանից 3 տարվա ընթացքում:

Եթե վարչական իրավախախտումը հնարավոր չէր հայտնաբերել առանց համապատասխան ստուգումներ կամ դիտարկումներ կատարելու, ապա վարչական տույժը կարող է նշանակվել վարչական իրավախախտումը ստուգմամբ կամ դիտարկմամբ բացահայտելու օրվանից հետո՝ ոչ ուշ, քան երկու ամսվա ընթացքում:

Սույն պարագայում, ինչպես հետևում է գործի նյութերից LEXUS LS460 մակնիշի, ՍՍ00100 հաշվառման համարանիշի տրանսպորտային միջոցի սահմանահատումների վերաբերյալ տեղեկատվություն ստանալու և կողմին հայտնաբերման նպատակով ՀՀ ՊԵԿ Ներքին անվտանգության վարչություն հարցում է կատարվել 11.01.2022 թվականին:

Հարցմամբ ստացված պատասխան գրության հիման վրա Արման Զաքարյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով՝ 17.01.2022թ-ին:

Հետևաբար, կողմի վկայակոչած՝ ՀՀ ՎԻՎՕ 37-րդ հոդվածի ուժով վարչական տույժ նշանակելու փաստարկը ՀՀ ՄՕ 199-րդ հոդվածով նախատեսված իրավախախտումը բացառող հանգամանք չի կարող համարվել՝ վերը նշված հիմնավորումներով և պատճառաբանությամբ՝ նկատի առնելով այն, որ վարչական վարույթ հարուցելու գործընթաց վարչական մարմինը նախաձեռնում է համապատասխան հարցումներ, ստուգումներ կամ դիտարկումներ կատարելուց հետո:

Վարչական մարմինը սույն գործի քննության և լուծման համար էական նշանակություն ունեցող հարց է դիտարկում ԵՏՀ խորհրդի 05.04.2021թ. No 25 որոշմամբ ԵՏՄ տարածք ժամանակավորապես ներմուծված անձնական օգտագործման տրանսպորտային միջոցների ժամանակավոր ներմուծման ժամկետը սահմանված ժամկետում չարտահանելը, այն մաքսային այլ ընթացակարգով վերահայտարարագրելը, ԵՏՄ ՄՕ 264 հոդվածի պահանջները խախտելը բացառող գրավոր ապացույցները, ինչը սույն գործով չհիմնավորվեցին:

Ավելին՝ վարչական վարույթ հարուցելու գործընթաց վարչական մարմինը նախաձեռնում է բացահայտելով գործի բոլոր, այդ թվում՝ վարույթի մասնակիցների օգտին առկա փաստական հանգամանքները: Սույն պարագայում, վերը նշված դիրքորոշումների համատեքստում վարչական մարմինը գալիս է այն եզրահանգման, որ Վարչական իրավախախտումների վերաբերյալ ՀՀ օրենսգրքի 247-րդ հոդվածի ուժով Ա. Զաքարյանի փաստարկները չեն կարող հիմք հանդիսանալ կողմին վարչական պատասխանատվությունից ազատելու համար և հաշվի առնելով գործի էական հանգամանքները, նյութական և ընթացակարգային պահանջները՝ վարչական մարմինն արձանագրում է, որ Ա. Զաքարյանի նկատմամբ կիրառելի է ՀՀ ՄՕ 199-րդ հոդվածով նախատեսված իրավական հետևանքը:

Ըստ ՀՀ ՊԵԿ Արևելյան մաքսատուն-վարչության ՄԳ բաժնի մաքսային տեսուչի պատասխան-գրության՝ թիվ 05100033/270121/0000638955 ՄՄՕ-ով ՀՀ ներմուծված տրանսպորտային միջոցի համար «ներքին սպառման համար բացթողում» մաքսային ընթացակարգով ձևակերպվելու դեպքում կառաջանային հետևյալ մաքսային վճարները. միասնական մաքսատուրք՝ 15,653,555 ՀՀ դրամ և բնապահպանական վճար՝ 1,618,080 ՀՀ դրամ:

Այսպիսով, վարույթի նյութերով հիմնավորվում է, որ քաղաքացի Արման Զաքարյանը սահմանված ժամկետում չի վերաարտահանել ժամանակավոր ՀՀ ներմուծված LEXUS LS460 մակնիշի, ՍՍ00100 հաշվառման համարանիշի ավտոմեքենան՝ թույլ տալով ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Վերոնշյալի հաշվառմամբ, գործով ձեռքբերված ապացույցների համակցությամբ վարչական մարմինը գալիս է այն եզրահանգման, որ սույն դեպքում առկա է մաքսային կանոնների խախտման հանգամանքը, ուստի, հիմք ընդունելով վերոգրյալը և ղեկավարվելով

Վարչարարության հիմունքների և վարչական վարույթի մասին ՀՀ օրենքի 3-րդ և ՀՀ մաքսային օրենսգրքի 221-րդ հոդվածներով

Ո Ր Ո Շ Ե Ց Ի

1. Քաղաքացի Արման Զաքարյանին ՀՀ մաքսային օրենսգրքի 199-րդ հոդվածի 1-ին մասով սահմանված կարգով տուգանել իրավախախտման անմիջական օբյեկտ հանդիսացող ավտոմեքենայի նկատմամբ «բացթողնում ներքին սպառման համար» մաքսային ընթացակարգով, մաքսային վճարների մեծության 50%-ի չափով, այսինքն՝ 8,635,817 /ուր՝ միլիոն վեց հարյուր երեսունհինգ հազար ութ հարյուր տասնյոթ/ ՀՀ դրամ վարչական տուգանք (վճարման ենթակա գումար):
2. Որոշումն ուժի մեջ է մտնում կայացման պահից, այն կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է՝ 900005024055 /ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29/:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



ԳՈՐ ԲԱԿԼԱՅԱՆ